

Dangui Oduber(MEP)

Proyecto di Green Corridor lo bay costa nos pueblo miyones di florin mas

ORANJESTAD - E gobiernu aki a demostra un incapacidad grandi pa goberna e pais aki. Goberna un pais kiermen pone prioridad riba e necesidatnan real di un pais. Goberna un pais kiermen no gasta placa di pueblo den prioridadnan robes. Gabinete Mike Eman 1 y 2 a haya un brevet van onvermogen y a demostra di no ta capaz di goberna e pais aki y resolve e problema cu tin.

Actualmente nos pais ta bancarota, gobierno aki a redobla debe di nos pais den apenas 5 aña y e debe di pais Aruba a surpasa 4 biyon florin. Sabiendo esaki ainda gobierno ta scoge pa sigui cu ehecutacion di e proyecto Green Corridor. E insistencia y capricho di gobierno aki pa sigui cu e proyecto aki ta pa cumpli cu sponsornan di campaña. No ta un secreto publico kende ta esunnan cu ta representa e grupo Odinsa na Aruba. Ta hendenan cu ta wordo considera den boca di pueblo como e grupo privilegia o como "amigo cu beneficio".

Ta parce cu ta e grupo aki so tin derecho di biba y ta nan so ta haya tur cos for di e gobiernu aki. Mientras Mike Eman ta bisa cu e la duna pueblo schoolkinder toeslag, reparatietoeslag e mesun Mike Eman ta castiga pueblo cu aumento di BBO na 3.5%, cobra 312 florin pa recoge sushi, aumenta e prima di AOV cu 30%, aumenta schoolgeld cu 100%, aumenta grondbelasting y finalmente pone henter e pueblo aki traha te cu 65 aña.

Inicialmente minister Benny Sevinger a bin parlamento y pidi aprobacion pa un suma di placa pa ehecutacion di e proyecto Green Corridor. El a bin parlamento y a pidi 292 miyon florin. Fraccion di AVP manera custumber aproba esaki y kico ta resulta awe, e suma di 292 miyon no ta yega pasobra tin varios cambio den e proyecto. Tur proyecto cu e gobiernu aki anuncia tin cosnan straño rond di nan. Esaki ta parce e proyecto di renobacion/ampliacion di hospital caminda e proyecto a wordo otro gana e compania cu su prijs ta 42 miyon florin mas halto.

E proyecto di Green Corridor no a ni cuminsa ainda cu ya caba Benny Sevinger ta informa parlamento cu e proyecto lo bay costa mas di loke a premira. Bo ta puntra bo mes con serio y responsabel un gobiernu por ta di bin

parlamento haya aprobacion pa un suma pa awor informa parlamento cu e suma cu e la pidi inicialmente no ta yega y awor mester mas placa. E placa aki no ta sali di saco di Benny Sevinger sino for di saco y cartera di pueblo. Ta pueblo ta esun cu tin cu bay wordo strangula cu mas medida pa cumpli cu deseo di

Benny Sevinger.

Gobierno a anuncia caba cu nan lo introduci un transactie belasting (riba cada transaccion pueblo tin paga impuesto) pa por cubri e gastonan di inversion den e proyecto di Green Corridor. Loke nos ta lamenta ta cu gobiernu sa cu e no tin placa, Aruba ta

bancarota y pa cumpli cu sponsor y amigonan di campaña ta masacra henter un pueblo pa cumpli cu nan deseo. Mas tristo di henter e proceso aki ta cu minister Sevinger mes ta informa parlamento cu e mes no sa ta cuanto mas e proyecto aki lo bay costa! Bo ta puntra bo mes ki clase di minister tin ta gober-

na e pais aki cu no sa cuanto e proyecto lo bay costa pero ta informa parlamento si cu e mester mas placa! Ta parce cu ta hunga e ta hunga cu placa di pueblo. Hamas y nunca por ta asina cu ta bay ehecuta un proyecto Open End sin sa cuanto e ta bay costa nos pueblo. Ta un gobiernu sin gevoel so por haci esaki. □